



#jarayon

⚡ Joriy yilning 24-may kuni Denov tadbirkorlik va pedagogika instituti Pedagogika fakulteti "Pedagogika va psixologiya" kafedrasida o'qituvchilari F.Urozov, L.Elmurodova va I.Turdiyevalar Denov tumanidagi 74-77- umumta'lim maktablarida o'tkazilgan "So'nggi qo'ng'iroq" tadbirlarida ishtirok etib, O'zbekiston Respublikasi Prezidenti Sh.M.Mirziyoyevning maktab bitiruvchilariga tabrigini o'qib eshittirdi.

Ана шундай юксак ишончга доимо муносиб бўлинг!

Интилиш, изланиш ва янгилик яратишдан асло чарчаманг!

Мустақил ҳаёт сари илк қадамларингиз қутлуг бўлсин, азиз ўғил-қизларим!



Шавкат Мирзиёев,
Ўзбекистон Республикаси Президенти

Тошкент шаҳри,
2025 йил “23” май

Келажагимиз эгалари бўлган навқирон авлодимиз Янги Ўзбекистонни барпо этишда катта бунёдкор куч сифатида иштирок этиши учун зарур шароитларни яратиб бермоқдамиз. Жумладан, сизларнинг замонавий илм ва касб-ҳунарлар, она тили билан бирга хорижий тиллар, IT ва инновацион технологияларни, ижод ва тадбиркорлик соҳаларини пухта эгаллашингиз учун ҳозирги кунда 201 та олий ўқув юрти, 598 та техникум, кўплаб мономарказ ва технопарклар, кутубхоналар, маданият, санъат ва спорт муассасалари самарали фаолият кўрсатмоқда.

Таълимнинг барча бўғинларида ўқув-тарбия ишларининг сифати ва натижадорлигини ошириш, битирувчи ёшларимизга танлов имкониятларини кенгайтириш учун янги-янги тизим ва дастурлар, электрон платформалар ишга туширилмоқда.

Сизлар ана шундай бекиёс имкониятлардан оқилона фойдаланиб, ёшлик фаслининг олтинга тенг ҳар бир дақиқасини қадрлаб, келгусида Ватанимиз мустақиллигини, эл-юртимиз манфаатларини барча соҳаларда дадил ҳимоя қиладиган етук кадрлар, онгли ва олижаноб инсонлар бўлиб, халқимизга сидқидилдан хизмат қиласиз, деб ишонаман.

Шуни асло унутманг, одамзот ҳаётда муносиб ўрин топиши, эл-юртнинг ҳурмати ва эътиборига сазовор бўлиши учун миллий ва умуминсоний қадриятларни эгаллаб, доимо олдинга интилиб яшаши, изланиш ва ўрганишдан асло тўхтамаслиги керак.

Ҳалол ва машаққатли меҳнат, илмга, касбга, ота-она ва онлага садоқат, ҳеч шубҳасиз, инсонни юксалтиради, унинг ҳаётини фойзли ва чароғон этади.

Айниқса, сизлар каби навқирон, азму шижоатли ёшларимизга шиддатли замондан ибрат олиб, ҳар куни бир натижага эришиб, иродангизни синовларда тоблаб, фақат ва фақат олдинга қараб бориш ярашади.

Аминман, сизларнинг янги ғоя ва ташаббусларингиз, турли соҳалардаги ютуқларингиз Янги Ўзбекистонни янада қудратли этадиган моддий ва маънавий асосларни барпо этишга бекиёс ҳисса бўлиб қўшилади.

Сизлардек ўз кучига ишонган, қатъиятли ёшлардан кадрдон мактабингиз, азиз устозларингиз ва ота-оналарингиз, бутун халқимиз фақат эзгу ишлар ва ёрқин натижалар кутади.



O'ZBEKISTON RESPUBLIKASI PREZIDENTI

Мамлакатимиз мактабларини битирувчи ўғил-қизларимизга

Қадрли фарзандларим!

Аввало, сиз, азизларни ҳаётингиздаги бугунги унутилмас қувончли воқеа – мактаб таълимини муваффақиятли тугатиб, етуклик шаҳодатномасини қабул қилиб олаётганингиз ва мустақил ҳаётга қадам қўяётганингиз билан самимий муборакбод этаман.

Ушбу шукуҳли айёмда мамлакатимиздаги 10 мингдан зиёд мактабда меҳрибон устозлар, ҳурматли ота-оналар иштирокида “сўнгги кўнғирок”лар жаранглаб, 450 минг нафардан ортиқ битирувчи ёшларимиз шаънига эзгу тилаклар билдирилмоқда.

Барчамиз бу фикрларга чин дилдан қўшилган ҳолда, катта орзу-умидлар билан келажак режаларини тузаётган ўғил-қизларимизга уларни амалга оширишда улкан куч-ғайрат, омад ва зафарлар тилаймиз.

Айниқса, мактабни олтин медаль билан битираётган 11 минг 500 нафардан зиёд фарзандларимизга, 2 мингдан ортиқ кумуш медаль соҳибларига ўқиш ва изланишда, жамоат ишларида ўз тенгдошларига доимо ўрнак ва намуна бўлиб келаётганлари учун алоҳида табрик ва тилакларимизни изҳор этамиз.

Азиз битирувчи ёшлар!

Бугунги кунда биз ўз олдимизга қўяётган буюк мақсадларни амалга оширишда бутун халқимиз қатори, билимли, ҳунарли, тадбиркор ва ватанпарвар, ҳар томонлама етук ёшларимизга таянамиз.



**O‘ZBEKISTON RESPUBLIKASI
PREZIDENTI ADMINISTRATSIYASI**

100163, Toshkent shahri, Mustaqillik maydoni, 6

2025-yil « 23 » may 02/4-776-son

**O‘zbekiston Respublikasi
Vazirlar Mahkamasi
(ma’lumot uchun)**

**Maktabgacha va maktab ta’limi
vazirligi**

**Qoraqalpog‘iston Respublikasi
Vazirlar Kengashi Raisi,
viloyatlar va Toshkent shahar
hokimlariga**

O‘zbekiston Respublikasi Prezidenti Sh.M. Mirziyoyevning maktab bitiruvchilariga tabrigi matni ilovaga asosan yuborilmoqda.

Shu munosabat bilan, joriy yilning 24-may kuni maktablarda o‘tkaziladigan “so‘nggi qo‘ng‘iroq” tadbirlarini yuqori saviyada tashkil etish, barcha darajadagi hokimlar, yirik korxona va tashkilotlar rahbarlari, oliy ta’lim muassasalari rektorlari, ziyolilar, yozuvchi va shoirlar hamda jamoatchilik vakillarining mazkur tadbirlarda bevosita ishtirokini ta’minlab, Prezident tabrigi matnini tantanali o‘qib eshittirish hamda yurtimizda ta’lim sohasida olib borilayotgan keng ko‘lamli islohotlarning mazmun-mohiyatini batafsil tushuntirish so‘raladi.

Ilova: 6 varaqda.

Departament rahbari

O.Abduraxmanov